



02 Septambra 2020 (Past Zaranaina ANDRIALAMPISON)

Mpitandrina : Amin'ny anaran'ny Ray sy ny Zanaka ary ny Fanahy Masina. Amena.

Hira : Antoko Mpihira

Vavaka (Mpitandrina)

Lohahevitra

Vakiteny 1: Mat 14, 13-23

"13 Ary nony nandre izany Jesosy, dia niondrana an-tsambokely niala teo handeha hitokana any an-tany foana; ary raha nandre izany ny vahoaka, dia niala teny amin' ny tanàna maro izy ka nandeha an-tanety nanaraka Azy.14 Ary nony nivoaka Jesosy, dia nahita vahoaka betsaka, ary onena azy ka nahasitrana ny marariny.15 Ary nony hariva ny andro, dia nanatona Azy ny mpianatra ka nanao hoe: Tany foana ity, ary efa hariva ny andro izao; ravao ny vahoaka, mba hankanesany eny amin' ny vohitra hividy hanina ho azy.16 Fa hoy Jesosy taminy: Tsy tokony handeha izy; omeonareo hanina izy.17 Fa hoy ny mpianany taminy: Tsy misy atỳ aminay, afa-tsy mofo dimy sy hazandrano roa.18 Ary hoy Izy: Ento eto amiko izany.19 Dia nasainy nipetraka teny ambonin' ny ahitra ny vahoaka, ary noraisiny ny mofo dimy sy ny hazandrano roa, dia niandrindra ny lanitra Izy ka nisaotra; ary nony efa novakiny ny mofo, dia natolony ny mpianatra, ary ny mpianatra kosa nanolotra ho an' ny vahoaka.20 Ary nihinana avokoa izy rehetra, ka dia voky; ary nangoniny

ny sombintsombiny sisa tsy lany, ka dia nahafeno harona roa ambin' ny folo.21 Ary izay nihinana dia tokony ho dimy arivo lahy, afa-tsy ny zaza amim-behivavy.22 Ary niaraka tamin' izay dia nanery ny mpianatra hiondrana an-tsambokely Jesosy ka hita eo alohany ho eny am-pita mandra-pandràvany ny vahoaka.23 Ary rehefa noravany ny vahoaka, dia niakatra tao an-tendrombohitra Izy mba hitokana hivavaka; ary nony hariva ny andro, dia nitoetra irery teo Izy.”

Hira : 485 FFPM and 1,2 « Moa Jesosy ve tsy ahy? »

Vavaka :

→Fisaorana an'Andriamanitra noho ny fitiavany

→Fisaorana an'Andriamanitra mpamelona izao rehetra izao.

→Vavaka ho an'ireo tsy manan-kohanina – ho an'ireo mijaly sy ory amin'izao fiainana izao.

Vavaka (Mpitandrina)

Vakiteny 2: Mat 14, 24-33

"24 Ary efa mby teo ampovoan' ny ranomasina ny sambokely tamin' izay, dia natopatopan' ny alon-drano izy, fa notohain' ny rivotra.25 Ary tamin' ny fiambenana fahefatra amin' ny alina dia nankeny amin' ny mpianany Jesosy, nitsangantsangana teny ambonin' ny ranomasina.26 Ary nony nahita Azy nitsangantsangana tambonin' ny ranomasina ny mpianatra, dia raiki-tahotra ka nanao hoe: Matoatoa io; dia niantso izy noho ny tahotra.27 Ary Jesosy niteny taminy niaraka tamin' izay hoe: Matokia, fa Izaho ihany, aza matahotra.28 Ary Petera namaly Azy ka nanao hoe: Tompoko, raha Hianao ihany, dia asaovy manatona Anao eny ambonin' ny rano aho.29 Ary hoy Izy: Manatona. Dia nidina niala tamin' ny sambokely

Petera ka nandeha tambonin' ny rano hanatona an' i Jesosy.³⁰ Fa raha nahita ny rivotra izy, dia natahotra, ary raha vao nilentika izy, dia niantso hoe: Tompo ô, vonjeo aho!³¹ Ary naninjitra ny tàmany niaraka tamin' izay Jesosy, dia nandray azy ka nanao taminy hoe: Ry kely finoana, nahoana no niahanahana hianao?³² Ary rehefa niakatra teo an-tsambokely izy, dia nitsahatra ny rivotra.³³ Ary izay teo an-tsambokely dia niankohoka teo anatrehany ka nanao hoe: Zanak' Andriamanitra tokoa Hianao."

Hira : 485 FFPM and 3,4

Vavaka :

→Fankalazana an'Andriamanitra Ray ary fametrahana ny fiainana eo am-pelantanany.

→Ho an'ny isan-tokantrano – ho an'ny fidiran'ny mpianatra sy ny fitaizana ny ankizy sy ny tanora.

→Hetaheta manokana

Vavaka (Mpitandrina) + « Rainay izay any an-danitra... »

Hafatra :

"Apetraho aminy (amin'ny Tompo) ny fanahianareo rehetra; fa Izy no miahy anareo." (1 Pet 5, 7)

Tsodrano :

« Mahereza sy matanjaha; aza matahotra na manahy azy; fa Jehovah Andriamanitrao no miara-mandeha aminao; tsy handao anao na hahafoy anao Izy. » (Deot 31, 6)

Mpitarika: Voninahitra ho an'Andriamanitra, Ray sy Zanaka ary Fanahy Masina, Izay hatramin'ny taloha indrindra ka ho mandrakizay.

Mandehana amin'ny fiadanan'ny Tompo. Amena.